



1613
№. 699
1416

Bosnia and Herzegovina
Federation of Bosnia and Herzegovina
CANTON SARAJEVO
Anti-Corruption and Quality Control Office

Broj: 20-04-230-699/22
Sarajevo, 19.04.2022. godine


SKUPŠTINA KANTONA SARAJEVO
KABINET PREDSEDavajućEG I ZAMJENIKA PREDSEDavajućEG
SKUPŠTINE KANTONA SARAJEVO
n/r Predsjedavajućeg Skupštine

PREDMET: Zastupnička inicijativa zastupnice Jasmine Bišćević Tokić,
Informacija, dostavlja se.-

VEZA: Vaš akt broj: 01-04-5587-23/22 od 24.02.2022. godine

U skladu sa članom 5. Uredbe o osnivanju Ureda za borbu protiv korupcije i upravljanje kvalitetom Kantona Sarajevo – Prečišćeni tekst (“Službene novine Kantona Sarajevo“, broj: 40/20), u prilogu Vam dostavljamo odgovor na zastupničko pitanje, vezano za Vaš akt broj i datum veze.

S poštovanjem,



Erduan Kafedžić

Prilog: kao u tekstu.

Dostaviti:

1. Naslovu;
2. a/a.



Bosnia and Herzegovina
Federation of Bosnia and Herzegovina

CANTON SARAJEVO
Anti-Corruption and Quality Control Office

Broj: 20-04-230-699/22
Sarajevo, 19.04.2022. godine

SKUPŠTINA KANTONA SARAJEVO
KABINET PREDSJEDAVALAČE I ZAMJENIKA PREDSJEDAVALAČE
SKUPŠTINE KANTONA SARAJEVO
n/r Predsjedavajućeg Skupštine

PREDMET: Zastupnička inicijativa zastupnice Jasmine Bišćević Tokić,
Informacija, dostavlja se.-

VEZA: Vaš akt broj: 01-04-5587-23/22 od 24.02.2022. godine

Uredbom o osnivanju Ureda za borbu protiv korupcije i upravljanje kvalitetom Kantona Sarajevo-Prečišćeni tekst ("Službene novine Kantona Sarajevo", broj 40/20) propisane su nadležnosti Ureda za borbu protiv korupcije i upravljanje kvalitetom Kantona Sarajevo (u daljem tekstu: Ured). Član 5. citirane Uredbe propisuje da je Ured nadležan za preduzimanje aktivnosti na prevenciji korupcije kao i prikupljanju podataka i informisanju nadležnih o uočenim radnjama koje mogu imati koruptivne elemente, te za postupanje po prijavama prema institucijama u svrhu provjere, prikupljanja podataka i prosljeđivanja istih nadležnim organima i institucijama.

Ured je dana 04.03.2022. godine od strane zastupnice u Skupštini Kantona Sarajevo, Jasmine Bišćević – Tokić zaprimio zastupničko pitanje sljedećeg sadržaja:

„Da li je tačna informacija da je Upravni odbor JU Služba za zapošljavanje Kantona Sarajevo u prvom konkursu za izbor direktora predložio Tomislava Martinovića, te poslao Odluku na saglasnost resornom ministarstvu, ali da je ministrica Ivana Prvulović odbila dati saglasnost nakon čega je poništen prvi konkurs za izbor direktora. Nakon toga raspisan je novi konkurs, te je za direktora JU Služba za zapošljavanje Kantona Sarajevo izabran Tomislav Martinović.“

S tim u vezi, Ured se obratio JU Služba za zapošljavanje Kantona Sarajevo sa zahtjevom za dostavu informacija kao i relevantne dokumentacije, koja se odnosi na poništenje konkursa za izbor direktora Službe kao i Odluku Upravnog odbora o poništenju konkursa, te Odluku Ministarstva za rad, socijalnu politiku, raseljena lica i izbjeglice Kantona Sarajevo kojom Ministrica odbija dati saglasnost za izbor Tomislava Martinovića na poziciju direktora.

Iz informacije i dokumentacije koja je dostavljena Uredu od strane JU Služba za zapošljavanje Kantona Sarajevo proizilazi sljedeće.

Procedura izbora i imenovanja direktora propisana je Pravilnikom o proceduri izbora i imenovanja direktora Službe. Članom 15. navedenog pravilnika popisano je da nakon što odbor utvrdi da kandidat ispunjava uslove iz konkursa, isti donosi odluku o imenovanju direktora Službe, koja se zatim putem resornog Ministarstva dostavlja Vladi Kantona Sarajevo na saglasnost.

U konkretnom slučaju, Upravni odbor Službe raspisao je konkurs za izbor i imenovanje direktora, nakon čega je Upravni odbor imenovao Komisiju za utvrđivanje liste kandidata koji ispunjavaju

uslove konkursa za traženu poziciju. Nakon provedene procedure Komisija je Upravnom odboru dostavila zapisnik sa listom kandidata koji ispunjavaju uslove tražene konkursom i izvještaj o radu, u kojem je konstatovan ukupan broj blagovremeno zaprimljenih prijava. Ukupno su zaprimljene dvije prijave kandidata koji su ispunjavali uslove za navedenu poziciju. Upravni odbor je prihvatio zapisnike i izvještaj o radu Komisije, te je kandidate pisanim putem obavijestio o mjestu i vremenu održavanja usmenog dijela ispita. Na zakazani intervju odazvao se samo jedan kandidat i to Tomislav Martinović, nakon čega je Upravni odbor, a sve u skladu sa Pravilnikom, obavio intervju sa kandidatom Tomislavom Martinovićem, te je nakon toga donio odluku o imenovanju Direktora Službe broj: 09/1-2204-UO/21 od 18.10.2021., i donesenu Odluku uputio u dalju proceduru prema resornom Ministarstvu.

Nakon donesene Odluke, a koja je kao takva dostavljena i resornom Ministarstvu, naknadno je izvršen uvid u dostavljenu dokumentaciju izabranog kandidata, te je utvrđeno da isti nije priložio diplomu o stečenom visokom obrazovanju, odnosno dokaz da ima završen VII stepen stručne spreme iz koje bi bilo vidljivo da je imenovani završio fakultet društvenog smjera, nego je dostavio diplomu o stečenom akademskom zvanju magistar ekonomije sa ostvarenih 307 ECTS bodova. Nakon toga Upravni odbor donosi odluku broj: 09/1-2301-UO/21 o poništenju Konkursa za izbor i imenovanje Direktora Službe, te upućuje zahtjev resornom ministarstvu za povrat dokumentacije zbog činjenice da je Upravni odbor donio odluku o poništenju konkursne procedure. Resorno Ministarstvo je postupajući po zahtjevu Upravnog odbora vratilo ranije dostavljenu dokumentaciju.

Na zahtjev Ureda da nam se dostavi Odluka/Rješenje Ministarstva za rad, socijalnu politiku, raseljena lica i izbjeglice kojim se odbija dati saglasnost na imenovanje Tomislava Martinovića za direktora JU Služba za zapošljavanje Kantona Sarajevo, od strane Upravnog odbora dobili smo odgovor da takav akt ne postoji jer saglasnost na imenovanje ne daje resorno Ministarstvo nego Vlada Kantona Sarajevo, putem resornog Ministarstva.

Uzimajući u obzir sve naprijed navedeno, ostaje nejasno kako je Upravni odbor nakon donošenja Odluke o izboru i imenovanju Direktora, te nakon što je Odluka upućena resornom ministarstvu na dalje postupanje, uočio da dokumentacija dostavljena od strane imenovanog kandidata nije kompletna, nakon čega je donio Odluku o poništenju konkursa. Opreza radi, napominjemo da je zaprimljena dokumentacija u prvoj fazi razmatrana od strane Komisije koja je formirana za provođenje konkursne procedure, a nakon toga i od strane samog Upravnog odbora te je prihvaćena kao potpuna. S tim u vezi, Ured smatra da je obaveza Upravnog odbora da postupa sa dužnom pažnjom tokom cijele konkursne procedure, kako bi se izbjegla imenovanja koja su suprotna važećim pravnim propisima.

S poštovanjem,



Dostaviti:

1. Naslovu;
2. a/a.